

棕亭詩鈔

棕亭詩鈔卷之九

全椒 金兆燕 鍾越

春正三日過雲聯叔寓廬不值蒙以一篇枉寄率

爾奉訓

飛鴻翔羽儀中澤人不識豫章挺千尋構厦遭斲刻吾
叔標孤清身屈緣道直年已隣桑榆官猶靳銅墨歲宴
歸柴荆仰屋自太息干祿傷蹉跎避債苦偈仄解鞍未
彌旬飢驅仍旅食敝裘短及骭寒涕凍垂臆守歲廣陵
城孤燈照暝色揚州十萬戶奢綺相排抑綵勝羅紛綸
椒圖侈雕飾珍饌結要津所費動盈億誰肯吹鄒律一

棕亭詩鈔

卷九

贈雲時

爲拯淪塞小子慣羈縲樊笈戢羽翼獻歲獨懷鄉假日
聊行國寓廬走相尋空館求弗得良覲悵乖違新詩驚
絕特人生常役役聲名與官職文字誠工妍詎足起僵
陪春風滿故園芳草漸如織安得營菟裘耦耕舍南北

贈朱星堂

朱居士清且真數椽老屋荒江濱行年四十抱書癖牙
籤屢屣庫露真興來一葉浮前汀攀蘿剔蘚捫山屏大
字獨愛瘞鶴銘三日坐卧幽巖扃歸來襟袂海氣青放
筆直欲追真形近年詩篇脫塵滓辦香獨爲沈夫子沃
生明月衣香人影中道上疾謳不覺恥沈夫子通神明

談易聲鏗鏗與我雲龍久相逐十年同客揚州城
學詩弟子遍南北尹儒秋駕君最精我本天涯飢饉客
衆中慣自矜標格李邕六絕驚當前手斂薑芽頓喪魄
朱居士真可人鬚眉之際古意存路旁芒屨許我着何
須濯足金蓮盆

爲華亭周貞女賦二首

會波村畔泖湖陰白石清泉見素心入室慣看孤影月
披幃只拂獨弦琴鏡中自分無膏沐夢裡何曾識藁砧
此日貞松多晚翠補蘿茅屋已秋深

旌門

天語乍宣麻卹緯彌教涕泗加殘着只完姑婦局孤根
猶抱女兒花鬱生志節差堪嬾道韞文章未足誇應笑
渡江年少客洛陽何處更爲家

吳杉亭舍人僑居邗上余亦攜兒作客卽令移寓
就婚共送歸里禮筵之夕賦呈杉亭兼示同社
諸子八首

賓鴻雲路各將雛漫學朱陳嫁娶圖何日耕田求白璧
但教儻會作青廬百年預計成翁媼一局驚看又婦姑
辛苦半生肩未息樽前且共捋髭鬚

秋堂華燭艷黃昏新月遙天碧一痕乍可俟庭兼俟著

非關求繫復求援
邢譚襟袂追先契
秦晉丁壬本世婚
稚齒遠離休重念
明珠曾借掌中溫

彭澤癡兒學尚慵
高標且倚丈人峯
摘毫幸入閭公座
咏絮難追謝女蹤
豈有遺金供舐犢
敢勞對玉許乘龍
伯鸞臯廡而今少
不向人家更賃春

喜氣今朝訝滿庭
漁童也自耦樵青
小奚亦於是日納婦
水花並

蒂明前渚文翼雙
飛過遠汀召客飲
宜謀十日當筵光
恰麗三星不須繡
段裘檐額滿壁華
箋燦錦屏

歸飛秋燕自呢喃
松菊荒齋徑憶三
笑我名兒仍以客
知君愛女甚于男
吹簫詎引臺前鳳
作繭真如箔上蠶

火急粗將身事了一燈彌勒便同龕

桑根舊隱指家山計日扁舟共載還
機杼聲中城郭小
剪刀池畔戶庭閒
服勞好共修雞柵偕老應同守鶴關
莫似阿婆嗟命薄年年明月盼刀環

上車已落氣猶豪
棗脯堆枰饜老饕
佐餽羹湯先作鱠
到家時節正題糕
飄香羣羨瑤臺桂
結子堪占露井桃
孝順宜男吾願足
人間富貴總鴻毛

春風歌吹綠楊城
聽遍高樓夜夜聲
蓬轉屢爲彈鋏客
萍居難作受廛氓
良朋合沓新詩就
遠道蒼茫別緒生
轉首君歸鳳池上
看余五嶽自孤征

次韻送吳杉亭舍人入都四首

祖帳離筵傍古城一杯愁對暮潮生
涼蟾東上依依送
賓雁南來欸欸迎別路倍添羈客淚遙山應觸故鄉情
茱萸灣畔分攜處目斷清淮夜火明

客裡長淹便似家淒其歲晏孰予華授衣節近秋風早
載酒園空落日斜未免寄巢甘短翮枉將成綺盼餘霞
鳩榆鵬海從今判須信人生各有涯

驛路三千岸柳青一鞭歸馬昔曾經殘陽隻堠仍雙堠
秋雨長亭復短亭閉戶何時容偃蹇倚樓終日自伶俜
耦耕倘遂他年約鷗宅還應近鶴汀

槃敦詩壇自不磨良朋聯袂盡陰何吟殘流水鴉千點
題徧名園竹幾科舊館從知良會少新篇定爲別情多
鳳城三月春如海可憶江南子夜歌

同蔣春農舍人登平山堂時春農有修志之役因
用漁洋集中韻作長歌贈之

平山堂檻霏煙霜千載遺跡尋歐陽樓臺金碧換人世
何異鑿枘乖圓方我輩作活仗文字如魚策策還堂堂
紙勞墨瘁費排纂苦心那顧顛毛蒼穿珠堪笑藉游蟻
叱石安得成羣羊鑿坏縱欲效顏闔建標未免同庚桑
江流南望何湯湯君家遙指大江外寒流北固當空揚

我亦對此感茫茫欲歸不得歲云暮牛衣獨宿悲土章
憑欄放眼試縱眺召伯之埭陳公塘古來不朽定有在
景行前後俱褰裳平臺賓客憶梁苑名園花木懷辟疆
看君連蹠奮椽筆精光耿耿相低昂醉翁亭畔古香發
乘興我欲治歸裝

聞江橙里自浙歸柬之

清秋海日懸孤光桂枝偃蹇葵花黃蕭條空館仰屋梁
懷人正抱冰炭腸忽聞歸客初解裝襟袖尚帶湖蓮香
急謀執手探錦囊舊遊更詢西子粧一語告我喜欲狂
詩老乘興呼秋航吟筇計日來蜀岡納婦占叶鳴鳳鏘

舊友奮袖低且昂各振旗鼓開詩場
鈴音側聽劬禿當我亦守門憎顛當
誓將突藩同羝羊十日爛漫醉爲鄉
釀飲速具軟脚觴東籬菊下選蟹筐
踏歌不負今重陽

漫興寄侍鷺川

貫月仙查碧海長銀濤何處盼扶桑
飛花繡戶空回首小草幽巖亦斷腸
不向孟施看得失敢從凡楚論存亡
石橋自有天台路莫信桃花賺阮郎

贈洪夢巖亞夔兄弟

君家兄弟不可當雲中鸞鳳雙飛翔
節節足足鳴鏘鏘並影霄堦騰八荒
矯矯下視鷺與鷗銜尾接翼隨顏行

左辟不敢相頡頏
適邁家學世克昌
乃祖久有休烈光
膏馥沾丐翰墨場
二洪海內名字香
卽今鮐背壽而康
課孫猶自理舊章
阿翁臆犬懷倉唐
釋褐不肯耽銀黃
言歸子舍愛日長
俯仰作述臻一堂
天倫之樂樂未央
他時星聚稽家祥
人人有集盈縹緗
聯珠定首推羣常
我老三版難築糠
荷衣不識宮錦坊
少年祿飾宜芬芳
努力好爲時世粧
集賢學士如堵牆

送門人趙樸存就婚保定

送爾求凰上

帝畿莫因小別悵
臨歧閨中琴瑟堪
爲友客裡雲山自

得師立馬三關千帳遠聞雞五夜一燈遲壯遊耳目應
俱展博議須成絕妙詞

小山和尚於十二月十九日張東坡先生像邀同
人作生日會余以事未赴

寒香館中快雪晴天燭丹耀梅九英伊蒲淨饌怪石供
髯翁遺像懸南榮無遮大會滿兜率瓣香爲公作生日
詩人聯袂盡秦黃道山千載喚公出我亦身如不繫舟
十年漂泊老揚州男兒墮地苦刺促身官未免纏箕牛
臨風空奏南飛鶴羈棲咫尺辜良約何日禪關一拜公
東湯獨共參寥酌

乙酉除夕守歲待發四首

自笑貧家也擊鮮束裘未了便開筵屠蘇酒入離觴後
不信燈花是賀年

杖杜生涯本道周妻孥今夕且相酬但使晚歲如翁子
明且行歌肯便休

別緒年年悵九秋停鞍半月便難留離人殘歲同惆悵
溝水明朝各兩頭

三朝諠吉趁時晴拂曉先看短策橫懷鏡不須還響卜
山村寒夜正無聲

丙戌元旦曉行

蠟炬盈盈夜未收
昂車作作曉星稠
家人方熱爐中火
客子先披道上裘
彩燕從他爭挂勝
蹇驢隨我且驅愁
豐貂煖壑揚州帽
不負平生子羽頭

過貞孝成大姑墓

射陽湖邊有奇女
操行卓絕邁今古
守志幾欲截其鼻
療親不惜夷其股
凜然正氣留乾坤
獨攜貞孝歸黃土
露筋俎豆淮水湄
吁嗟此女真堪師
女郎祠畔神鴉舞
兩岸官船擊大鼓
何限蕭娘與呂姥

曉過露筋祠

野岸縈炊煙叢祠
依沮洳林日明朝
肩川光遠相助輕

雲起天末冉冉如擘絮舟程愛曉行風物澄百慮清磬
出松篁寒汀集鴉鷺幽境澹無邊沿洄不能去

百城煙水閣贈程魚門四首

皎月懸清秋影落澄江水客子逢故交相對浩歌起元
造宰化機隱顯有妙理七日豹欲現六月鵬必徙吾子
抱經術千時守良軌生當

隆平日詎肯老蓬萊異寶呈琅玕巍棟構杞梓致身逢
良會一息定千里所操自有真聊以奏小技

三代觀民俗必先採風詩作歌以見志發言爲衷旗後
世沿末流但知工摘詞鳥空與鼠卽安用聲響爲君爲

斯道憂古心獨堅持偽體盡別裁風雅益多師鬱鬱徒
賓鐵一夕躍中池寂寂爨下桐一朝絃朱絲飄風方自
南矢音良匪遲

小艇泛秋水言過朱雀橋園林當夕陽古木何蕭蕭興
廢百年餘猶傳百子樵僉王弄翰墨無乃辱風騷君來
發長喟因之歌短謠俯仰愴中懷不_一臨堂坳往事不
足慨新月聊堪招命酒共作達千古正_一次寥不見石齊
奴金谷委蓬蒿

淮水流湯湯怒灌天如閘我昔乘輕舸急溜逐鷗鴨湖
嘴幽人居深巷一徑狹盱衡來去帆當門如排_一窻小

容跣跣促膝笑言洽扣舷誦新詩魚鳥互喧雪草草遶
成別三年同一貶相思忽相見相見自顏甲雙鬢已蒼
浪佳句當何法

丙戌五月出都吳杉亭以詩贈別賦此酬之四首
回首西山晚黛垂一帆又挂潞河湄微生只合巢蚊睫
野態空教到

鳳墀夢蝶光陰全是幻涼蟬風味已堪思轉憐曠昔分
攜日容易三年訂後期

潦倒關河欲斷魂半生踪跡不堪論殘年得飽儒官飯
舉室皆沾

聖主恩塵土征衣應可卷丹鉛舊業尙堪溫
孫劉原未曾相識莫羨三公佩徽尊

敢言稽古便梯榮攬鏡空悲白髮生捕雀人皆嗤掩目
畫龍誰與更添晴秋風迎客催歸棹暮雨懷人閣
禁城兩地相思此何極莫辭延月一飛觥

半載相依對一燈匆匆便作打包僧關心遠道惟兒女
樂志他鄉賴友朋避暑習禪從爾懶看花結伴憶余曾
二分矯首揚州月好理扁舟興再乘

與林名露孫名希旦二孝廉同舟南歸至淮賦別

七首

回首燕昭市駿臺仙葩無數倚雲栽却教莊叟濠梁客
枉向裴君日窟來千里勞薪愁暮雨三年空館閉秋苔
不緣歸棹逢邛友懷抱何由得好開

諸君才調盡飛仙傾蓋真成翰墨緣爽朗襟懷宜水月
淋漓篇什走雲煙自知郊島多寒瘦敢向盧王較後前
莫怨征途羈滯久催詩正好晚涼天

涼宵倚檻更搔頭天外殘霞澹未收四五點花村女鬢
兩三星火野人舟此間幸隔儀同面今夕休言洗馬愁
更待高林明月上舉杯同作弄珠遊

一髮青山露曉痕永嘉歸路指台溫羨君斤竹嶺邊宅

恰對沃州山畔村入社羊何堪結伴感時屈宋莫傷魂
他年雞黍如相待風雪維舟試叩門

小舫居然一畝宮洞房門戶自相通慣看垂岸花無賴
且喜開樽酒不空斷續鳴蟬深樹裡參差遠岫晚煙中
誰家水調臨風曲疑是當年盛小叢

征衣二月浣京塵便作逍遙物外人顧我獨鳴中散調
看君更得上林春卽今名士逢時少自古高才下第頻
試向靜中觀露電存亡凡楚孰爲真

促膝兼旬寢食依忍看梁月便虛輝三江波浪雙魚遠
千里雲天一雁飛感舊定知懷抱熱相思莫遣信音稀

可知木落淮南夜獨客秋深尚未歸

雲聯叔自金壇以詩枉寄依韻奉酬

生逢

休明世讀書苦不早垂老看春花白髮已輪青
簪好虛名南箕與北斗畢生碌碌竟何有
澣統封侯各有命至竟同此不龜手
人生飲啄隨所宜食薦甘帶甞相知
江淹自分已才盡李廣何緣亦數奇
百感紛來無次第松楸故隴淚難割
霧裡誰憐澤豹饑梁間只合山雌憩
瓜了炒豆瑞草燼故里耆舊皆我邀
偶然筮屐出近郭棗湯還許同參寥
野老與人正爭席啁啾簷雀紛千百我

本無心出岫雲 鼠卽鳥空詎有迹漢家廣受皆暮年薄
秩何堪歲月遷 栖栖勞翮各已倦耿耿熱腔空自然望
道半生仍未見 自笑觀河餘皺面何時一對故園花內
集還爲謝庭宴 江南江北役車休煙水相望星又週天
涯但得數相見 何殊開徑招羊求明年沿牒渡江去紆
棹便爲長蕩遊

聞程南陂先生道山之赴驚愴彌日再登曩年奉
訓原韻四首寄輓碎琴千古不勝涕泗橫流也
丹臺金鼎九還成 玉冊先標綺夏名鹿駕俄驚迎衛叔
花瓢誰更伴宣平 春雲海上堂堂去明月峯頭冉冉行

回首塊蘇陳迹杳空教人世羨哀榮

詩書門第重元成年少天衢已策名北海交遊皆俊及
南豐身世際

隆平雙扉青瑣含香入一逕丹崖荷蓀行賀老嵇山疎
放久鑑湖猶自紀

恩榮

百尺豐碑馬鬣成應教金護賈逵名生徒上冢來林杏
賓客升堂憶孟平燈下誰同深夜酌花前猶似小車行
不堪寂寞東園路木槿朝朝獨向榮

千里家駒項領成蘭階詒厥早知名曾占星聚羣隨塞

定有經傳敢繼牛舊徑羊求休繫念高城丁石好偕行
只餘麾扇江頭谷名士千秋感顧榮

同程筠榭赴儀徵道上作四首

帆影周遭樹影重河干小徑傍高墉羊頭車子同危坐
一笑真成蟹與蛭

溝水東西十里長春風吹過綠蘋香叢祠也似江南景
簫鼓村巫賽蔣王

野店青旗過短橋林間沽酒愛山庖幾村歷落遙相對
便自區分大小茅

處處沿流響踏車非關田叟急桑麻直看河底深千尺

好聽江聲走白沙

天寧寺

古寺近通塵市聲朝暮喧老僧閑闕卧孤塔入雲懸欲
共傳燈侶來嘗慧日泉何時脫塵鞅歸老鵲爐邊

同程筠榭送其令子中之入儀徵署縣試

禪關春夜寒厭厭更漏欲盡月在檐僧雞駢首正鼾睡
奴子啟戶勤探覘錦衣卅角雙玉立摩厲待試文鋒鉅
郎罷不寐檢點細翰墨炬炷同一奩有似阿母送遠嫁
關心箱簾帟幃幃須臾忽聽笳三發籠燈漸見人來僉
奔趨童冠競逐隊小戰亦各知勇兼我來壁上竊寓目

雲翱翔檐看飛鈴三十年前憶疇昔食牛虎氣曾騰炎
自謂青紫便拾芥誰知竿竹難升鮎既壯方獲鄉里舉
公車七上霜侵髯年垂五十博一第棄置仍作泥中潛
讀書本志豈富貴致身却忘年歲淹譬彼老馬筋力盡
雖入閑廐誰顧瞻祝君千里一蹴到遠駕宜趁朝光暹
單席冷地梓垣棘最易崩迫日赴崦負手倚柱語未竟
鈴下發响傳三嚴差肩少俊各匿笑此老濯濯真買嫌
魚貫既入扉既闔晨曦正滿橋東帘

題方漱泉讀書圖

氣韻謫如春雨香精神皎若秋月光披圖相見卽相識

但驚紙上顛毛蒼別君彈指十年久十年人事靡不有
君厭冷官已棄捐我爲賸客猶奔走一生偃蹇坐書巢
老向元亭未解嘲已悔亡羊因挾筴如何夢鹿尙尋蕉
請君勿復鑽故紙脉望神仙能有幾爲虎爲鼠皆偶然
一龍一蛇竟誰是他日傳神召畫師更寫寢處山澤儀
置君邱壑誠所宜手中阿堵夫何爲

沈沃田疾中作詩見示卽次原韻問之

藥裏吟牋共一牀知君却病有奇方墮翎老鶴神彌健
曲榦孤松色倍蒼賓客肯緣疎酒少奚奴猶爲遞詩忙
維摩丈室無多路空聽殘更坐夜涼

余時寓官署與先生只隔一牛鳴地

而不獲
出問疾

送沈沃田歸華亭

清曉鱗雲照碧灣
送君歸棹入雲間
五湖煙雨尋鷗夢
三徑松梧叩鶴關
經卷藥爐堪結夏
庭柯檐鳥足怡顏
二分明月應相待
莫爲萑鱸戀故山

畱別方介亭

幾載共爲客
常愁見面稀
從今永相聚
聊復暫言歸
野日沉荒浦
寒煙上翠微
山行趁晴好
莫更挽征衣

梅槎歌贈吳梅槎

食時不願列五鼎
行時不願排八駟
但抱枯木日拂拭

老迂曲榦相纏樛自矜怪石貯米袖大似贗鼎陳何樓
勸君此物不必留拍浮便擲江中洲不然秋雨棄牆角
蒸菌或出魁父邱向平婚嫁未易畢翁子富貴猶可求
詩狂酒癡竟何益際淵肯使潛靈蚪君聞掩口盧胡笑
此語毋乃非上流冥靈各欲侈永算豎亥詎見窮遐陬
古來遭遇無巧拙屠販亦致萬戶侯雲煙過眼還滅沒
誰繫社燕過深秋何如作達招近局糟牀新釀初鳴籥
籬根老菊寒不收帶霜壓帽插滿頭爛醉便夢泛槎去
浪跡直過東西甌百年歲月纔及半不知天漢幾度逢
牽牛

竹帳二首

四面湘煙織畫圖詩魂清與此君俱
虛簾映日金同碎
小簟招涼玉共鋪動影定先驅白鳥
合歡須更喚青奴
梅花紙上尋香處可許高情得並無

明月依依弄影幽方輝誤認翠羅幃
宿塵好向牀前掃
清露疑從枕畔流獨卧晴窓頻夢雨
高張暑榭早延秋
笑他孤館懷鄉客只覓牆陰一葉舟

寄洪達夫

時爲望江學博將告歸侍養

求官如釣淵中魚辭官如去衣上華
笑君欲脫不得脫
堂階繫馬空踟躕皖公山色明且都
數峯青峭排牕虛

打頭矮屋容醉卧歸夢栩栩環庭除春風白髮正倚閭
知君請急計不疎我亦閉置如閨妹大雷日望參軍書

飲朱岷源齋中

快雪三日開朝曦滿街腰鼓排春旗僂童跳舞市聲鬧
故鄉節物堪娛嬉感君愛我爲軟脚溪山徧擷草木滋
豕婦入厨姑執爨陵晨爨釜烹伏雌我聞嘉招便蚤赴
橋堍修弄穿疎籬班春纔看土牛過餞臘猶多冰柱垂
入門先索快句讀開樽更喜遠客貽瓶中階下各異色
雀梅猴菽爭鮮輝陳君父子足繼美陸家兄弟還相師
愧我塵空相倚薄對此頓欲忘朝飢況聞故人有令後

刷羽已見揚光儀

謂葛菱溪
新入膠庠

撫今懷舊意感愴臨食三

歎豈酒悲人生歲月真易得青鬢忽復霜盈髭童州游
好存者幾新鬼故鬼肩相隨爾我猶得數相見燈前安
敢辭深卮漏盡三鼓大醉出一輪寒月河之湄

雪中至富安巷飲許月溪齋中次前韻

朝看旭日烘晴曦夜喜列宿明參旗故人招我遠出郭
聞之雀忭同兒嬉晨起忽見林岫白滿街滑澌冰泥滋
已教得食等堦雀肯復匿影同山雌便溯清瑤傍柳岸
更踏碎玉蹙枳籬山齋晝靜排闥入蜜梅花發黃垂垂
一堂佳客已具在五字好句驚先貽談諧四座盡颺舉

雲鱗漸薄檐生輝柳家祥兆在猶子韓門高足知真師

令姪芳谷孝廉暨令徒袁君敦好皆在座

少年鋒穎洵可畏鸞鷟豈肯偕鷹

飢憶昔溪上草堂內羨君寢處山澤儀

昔與許君常往來吳岑華北部

處溪上草堂北

部讀書地也開徑常許挈求仲出戶曾未辭孺悲卽

今馬策有餘痛更向何處撚吟髭況我家山難久住塵

綬未免相牽隨知君定共猿鶴笑花前且盡金屈卮桃

源他日刺舟入洞口好記寒雲湄

一朱定中以紙索詩走筆應之

久客匆匆作歸計束裘有如治絲棼殘書亂帙姑棄置

獨攜襍被欣載奔入門解橐方失笑長吉有句竟安存

拂君懷中涇川紙索我近詩知有以奈我已成沒字碑
補亡難效東夫子濡毫聊復前致辭鴉塗數字原非詩
慎勿多事紗籠之

小除日讀江夢草詩因題其後

雪屋一燈酒三雅何以佐之班與馬擁鼻更讀名雋句
安知門外雁行者臨風玉樹真亭亭作人不殊純粹邢
有時無隱悟禪味木樨花發香滿庭咏徧江花與江草
狂歌自比杜陵老老去悲秋亦何用捶琴世上知音少
綠波南浦已差差離懷莫遣春風知斜川五日足游賞
且向寒梅一賦詩

丁亥除日爲余五十誕辰適周鶴亭學博以歷歲

自壽之作見示次韻抒懷卽用題後八首

山坳殘雪尙如璫暫返吾廬已判年人以識途憐老馬
我甘飲露類飢蟬探支鶴料仍垂橐預算圭租始有田
贏得簫聲留杜牧一官還許在花前

漫說紛綸并大春享來敝帚豈堪珍谷中鶯老難求友
海上鷗閒且避人百歲光陰同露電半生心力頓風塵
身宮已自纏磨蝎牛斗何須怨不神

天涯心跡寄煙虹到處槐枝一夢中強對元規頻嘯月
誰憐禦寇自乘風依人豈慣矜三語作佛終須証六通

飄泊久同梁上燕奮飛猶在畫堂東

白墻茅堂隱士泥故園蠻榼儘堪攜退飛已作隨風鷁
長叫誰容失旦雞求道尙迷三里霧束身聊借一枝棲
敢嫌顏照黃昏近麗膺春流亦向西

塗轍原寬豈我妨偶然穀玉異豐荒長楊未免三年閏
短竹寧求萬丈強阿閣競看雛鳳起愁潭只合老蛟藏
細推物理行休決一盞寒燈拜飲光

紛紛北秀與南能誰悟千光總一燈天遣長吟還抱膝
地容高卧且橫肱逢時本鮮梯雲術得歲終爲集霰徵
多少故交零落盡不堪往事憶陳應

寸心灰後已難然。朋盍何勞更祝延。但喜尹班堪永夕。
敢言孔李竟忘年。心驚若木千枝麗。目眩明珠九曲穿。
所愧壽陵難學步。讓君詩思湧如泉。

三月桃花春水生。便攜筆格與燈檠。吟魂自
別意應隨夕照。傾花下聽鷗千樹好。江邊載
深杯擬對秦淮月。秋菊還堪共落英。

張志陞招同朱岷源遊醉翁亭次韻

拂曉花間載酒來。暗香浮磴最先開。竹筠松粒皆成侶。
雲影山光盡入杯。天遣詩人尋好句。地留幽谷貯仙才。
獨慚塵鞅勞勞客。一酌春泉便擬回。

棕亭詩鈔卷之十

全椒 金兆燕 鍾越

題江夢草學佛圖四首

不斬心中葛萬藤到頭終是啞羊僧
試看枯坐蒲團者南北何知有秀能

莽莽黃輿共赤寰羊腸歷遍世途艱
低眉努目全無用只合看雲坐雪山

如如真境本迢迢莫向虛空着色描
轉得法華無一字十年面壁豈無聊

翻盡金經薤葉書二時與爾共安居
于今真見桃花未

試向心燈証六如

貞烈王仲姑詩

吳郡年十五仲姑年十七兩家結締鸞鴦未成匹
仲姑聞郎死麻衰欲往哭祖母曰不然爾身猶未屬
仲姑入室嘆顧影悲其身身既不許往願終往以魂
朝啟粉多羅吞粉如吞針不願素其面但願素其心
吞粉不得死再服黃金珥心已同金堅身難共金毀
求死不可得仲姑自撫膺解我腰間絲畢命朱絲繩
絲繩復絲繩再結復再解四顧無死法安能復久待
向人求死方日日作死計一旦獲死所仲姑歡然逝

逝者何茫茫同穴歸山岡死義非死恩不得譏嫁殤
雙阡表墓門大書勒貞石吳郎年十五仲姑年十七

贈葛菱溪

我與君先尊東髮爲兄弟槐榆與橘柚異根結連理溫
溫唐太君愛我入骨髓視若自腹出噢咻無與比全椒
至滁陽山行五十里朝發晡卽至命駕孔易耳我來斯
開顏我去必垂涕持箸加我餐紉箴補我履頭垢爲我
備衣垢爲我洗驅蚊遍茵幃捕蝨及牀第我生夙偏露
髻齒失所恃誰知慈母恩勤懇乃如此尊公倜儻姿蚤
歲貫經史高文發奇光與義窮祕旨疑籤必我質昕夕

紛填委相於若同胞使我忘姓氏見我欲傾釀入市割
羊豕知我欲製衣開箱取綾綺常勸我移家同居至老
死嗟我壯年後歸朝屢轉徙覓食走四方鄉縣渺雲埃
倏忽十數年駒隙歲月駛重來眠食地歷歷皆堪指幻
等前後身驚呼新舊鬼一劍懸徒爲千金報已矣所幸
讀父書故人已子憶舊空餘悲撫今實竊喜子其崇
令德操行固終始富貴自有命顯揚則在已勿更勸我
觴觴行淚不止

侍鷺川自都門歸邀飲湖上步韻奉呈三首

乍喜陰雲拂曉歸城隅初日上苔衣珠毬委地還如繡

金帶含苞欲作圍烟際湖光空外合雨餘山色望中微
林間招得遙天鶴不遣離巢更遠飛

幾載閒身寄檜杉更無彌勒可同龕每嫌酒戶逢三雅
慣愛詩衢得二南舊徑祇增華屋感殘春又共故人探
柳陰鍛黿容吾懶頽放休嗔七不堪

一葉溝中枉拾紅卑棲只合小山叢魚天極目無多水
花信傷心最後風君已杜門知宦拙我原抱膝耐詩窮
從今排日成良會應勝東西各轉蓬

題仇霞村印譜

凡將爰歷旣放紛六體變滅如浮雲秦碑周鼓辨黜黜

刊鉅缺齋難復論世惟漢印頗數見及幡尚可追遺文
仇君家學本淹富金石文字羅庭軒經經緯史恣考索
始一終亥窮根源偶然寸鐵寄興會揮斥八極摩蒼垠
心入纖刃刃入石元精耿耿相吐吞吁嗟絕技世罕有
區區文何詎堪偶知君操術殆有神文人學人皆斂手
我有玉碑三寸強請君爲疊九迴腸相思他日緘魚札
好寄朱礬千里香

哭程綿莊徵君四十韻

自古通經儒抱道罕亨邁仲翔老流離安國終禁錮狗
曲罍翁思堯圖屏轅固曲學苟不能安得阿世具窮年

事鑽研乾等羽陵蠹一旦星壓脚杳杳卽大暮書漸滿
塵寰骨已冷墟墓易祖與經神虛名竟安附吁嗟乎先
生聖涯標津渡績學淹三餘劬書遍四庫百兩羣師張
九事競諮輅汲古探重淵闡幽排積霧握衣應大科蒲
輪經再駐布衣老諸生竦身儕鵷鷺發議鏗華鐘摘藻
耀寶璐自謂傾胸臆從此任灌輸明經獲致用所學盡
展布誰知許身愚非關承學誤歸來守書倉仍自耽訓
詁開卷味彌旨入室空已屢離披羊續袍蕭涼賈逵綳
著書日向邁窮老更誰訴小子甫弱冠早解戶外屢蓄
疑得所質破闇就燈炷瑣細考蟲魚分合訂章句施孟

別糾紛王鄭理舛互真僞今古文純駁大小注口講兼
指畫源流必沿汴憶昔戊巳交羈翩共樊筴旅食當窮
冬短晷日南僊折聖對寒宵邱蓋相證悟以茲賞析樂
頓忘冰雪涸十載嗟契濶夢寐托遙懷每於尺書內猶
爲詮掌故如何隕少微遽爾聞凶訃六籍失良工大冶
誰與鑄百家無導師羣寢誰與寤嗚呼斯人亡實深吾
道懼道寧堂外門如意橋邊路望望隔江雲彼蒼不可
顛

贈王蘭泉二首

沙岸禪扉帶晚嵐風檣過處似排簪轉經未暇嚴叅二

開徑真堪益望三客路車纔停碌碌家山泉好品憨憨
會波村裡漁莊好三泖春湖我舊諳

石徑秋花冷露含一繩新雁早圖南虛堂對我能生白
舊事懷人悵采藍歌底絕憐車子慧酒邊猶似寶兒憨
他年得句還呈佛彌勒休忘醉裡龕

題張芝堂西湖移家圖

浙江江水清且深駛帆如箭猿孤吟圖書雞犬共一舸
穿雲直到東海濤三十六峯重回首茫茫天都竟何有
爲愛蘇隄一片霞停舟便繫樟亭柳一椽茆屋湖之濱
百弓修竹千竿新高峰南北峙屋角濃青澗眼如就人

我昔癸辛街上住一日十上吳山路
安得與君便結隣
寒泉共酌逋仙墓

題易亭上人小照

松柏之性雲鶴姿調御丈夫人天師
十年業白出石壁
桃花一見刪羣疑
打包偶過燕城下
禪智山光堪結夏
天遣高僧對冷官
茶瓜便作蓮花社
說有談空已有年
而今方了幻中緣
願將一室千燈影
夜夜中庭拜聞仙
輓洪達夫

憶昔與君初唱詠乃在雲木相參樓
大篇強韻各競出
拍肩一笑驚沙鷗
天風蕭蕭黃葉走
禪關獨客顛當守

偶然良會對青樽遂使深交成白首彈指流光十五年
幾回離合在花前蘭陔喜侍雙筇健芹沼欣標並蒂妍
年年相見便相失相望咫尺不可即分明隔巷只三條
安得銜杯彌十日去年執手喜欲狂從今不作參與商
詩衢酒國爾我共風晨雨夕毋相忘孰意此言竟虛負
人生錯迕常八九繫馬纔看到我到官放鳩難爲君延壽
江鄉雲物近高秋玉軼飈馳不可留從此黃花重九節
忍教沽酒更登樓

題謝西坪印譜

少年愛觀許氏文始一終亥何糾紛昔歲太學考石鼓

乃知古法今猶存後人私印逞臆見凡將爰歷無山辨
朱磬千里透雲香空使俗工謀駐點此冊入眼眼乍青
應有神物護精靈可惜千秋獵碣畔不使重鐫三字經
蝗不食禾同閔薊峰作三首

我

皇聖德既厚且和
大法小廉黎庶載歌
鳴懷好音戢于
止戈乃有蝗生亦不食禾

蝗既生矣詵詵蟄蟄禾既茂矣森森澱澱禾蕃于田
蝗集于隰蝗如有知誓不相及

有漢中葉大守克臧金爵既錫民說無疆蝗在其隣以

飼鳳凰未若今日變災爲祥嘉粟旨酒敢告蚡蚡

單家橋

傾側單家橋流水自東注春草滿荒原不見尚書墓

題駱義烏像二首

玄河學海早生春驚世才名自有真輕薄紛紛何足數
千秋知己是金輪

休將器識比王楊忠義高風姓字香訪得天台石橋路
共君滄海更徜徉

喜雨作

初灑盆中花旋濕階前草忽然檐瀑森森下咫尺屋角

烟雲杳應是羣龍苦久困翻身一洗鱗甲槁爽如蓬髮
頭乍沐快似垢圻衣初擣連朝茹素消腹腴中夜稽首
不憚劬土龍甕蜃安足恃男嗟女怨盈村墟吾生本恃
硯田活圭租今歲甫堪撥天公應念窮官窮忍使殘年
付凶魃雨脚纔歇更望天破車雲陣還鬱然舉家明日
謀解菜買肉捋罄囊中錢

伏日招任松齋張墅桐暨夢因定崖勛亭三上人
齋中納涼次墅桐韻

青奴閒擁對蒼官獨占虛堂十笏寬吟侶乍迎桃竹杖
清齋便共水精盤高懷白業堪同証小篆朱文足飽看

自笑解衣磐礴後千篇教和不辭難

六月晦前一日李西橋招集高詠樓觀荷分得韓

孟體五古一首

高樓峙水濱

奎畫映天闕豐琰苔繡螭曲壑藤藏蠹萬个敷陰森一

灣疊膠瀉雀相穿雲眉蛇逕綽山骨追暑得幽房延秋

仗濃樾浹日再經過嘉招頻有估小舫晨露晞疎簾午

風豁選樹坐空嵌褫衣挂枯枿綵伴羣相覘山僧不敢

謁

是日招石莊上人不至

奩開碧玻璃盤飮紅鞞勗烈日烝衆熏

繞座彌激越酒行花氣中人醉波光末山館未易曛芳

宴復改設炬列野客驚樂動隣舟但晶毬上下懸瑤響
高低發遙輝星乍攢造弄音倍揭蕭灑襟懷清模糊醉
眼纈更與約重遊桂香探月窟

金陵送諸生鄉試次友人韻

我生幸作庠中落飄影欲落還實東得句慣嫌閉戶覓
求友不厭于野同僦居愛傍白楊脊問字肯放元亭雄
卽今行年已半百面皺齒落頭全童勝負已付橘中叟
得失休問塞上翁但遇好山必深入時有美酒復一中
沿牒重到六朝地清秋雲物開昏蒙高旻正霽月額雨
小園頗足林下風且強冷官作熱客盍簪一豁拘攣胸

夢蝶片晌亦栩栩草蟲五夜休忡忡竹林自可集阮向
梓澤安用誇愷崇况逢

盛世重儒術高才拔萃無不庸囊視橐筆千百輩雁行
魚貫羣相從塗抹忽憶少年事稱時梳裏爭爲容壁上
不識誰項羽座中且喜無顧雍歌場酒國共作達寸臆
何事千愁封裙屐大會良不易酣叫噴報樽中空酒闌
遮客不許散醉奪羯鼓敲敲

和吳魯齋自江都之任金匱留別原韻

自我與子爲深交如捫仙的躋神囂寸堪豈易偶然遇
一桃真足平生豪憶昔趨庭傍講肆蒼蒼雲護松蘿高

元亭問字日幾輩大叩小叩不厭勞差肩一一羨彭戴
論才各各務莊騷而君茗穎更秀出入門顧盼空羣曹
攻王子寧復藉石見漆我已先投膠有時城隅泛綠水
有時巖際乘涼颺袖中出詩許我讀我每嚙舌不敢驕
嫖母見施歸自鏡殘稿拉雜俱摧燒雞黍已自同張范
雲龍何須常愈郊搖艇一別新安水絳雲矯首徒瞻霄
往歲暫遇燕臺下朔風吹雪盈復陶自春歷夏雖數見
舊時狂興無一毫明月枉復照張八好風安得隨盧敖
何意彈冠效王貢頓教聯冊同鄭毛並粥本自異良楮
耦耕未免殊肥磽敢怨一官獨落拓但愧八口還饑磬

小蔦幸自施松柏白雲常藉滋菅茅德隣良聚真有數
纔滿半易經中爻匆匆攬袂便言別鴻鶴無術留連臯
人皆遮遮卧深轍我徒佗僚攀長條知君此去樂復樂
闔閭城對纊塘均河肫大上荻芽美飽食不異烹江瑤
回颿撾鼓送君發同雲京口正次寥小辛杜野村驛接
定知春意回枯梢笑握禿管壓強韻何異瀟港延寒潮
頗別一語更相囑惠泉先寄五斗焦

李于亭年七十三始舉一子詩以慶之

海上蟠桃樹結子三千年珠胎出老蚌光與明月圓君
家明德後朱門華轂相聯轂也豐下必有後無煩謀

祝求人先天上石麟非凡種抱送親勞釋與孔一試啼
聲知英物礲礲頭角觀者竦白頭老罷舞且歌湯餅筵
上朱顏酡舊書重整硯重滌傳笏一日三摩挲我謂是
翁真矍鑠養雛定倍芝田鶴柳郎藍嫂共百年從今再
索還三索

題汪鈍叟浴馬圖

君不見流沙萬里來貢時一馬卓上九馬隨追風掣電
逞逸足何暇更銜青草嘶蹇脫鈴鞍但土浴乾泥在鬣
塵滿鞵華殿未必便入選筋力已勌精已疲我知君有
武子癖不忍驪駒困下澤坐對清流趁晚涼深潭湧出

照夜白雄姿逸態真蕭爽俊骨便娟神侔儻秀影波心
應自憐孤情物外誰相賞疎林落日何悠悠閒心此時
與馬謀不知輭紅復何處馬無銜勒人科頭誰歟畫者
擅奇絕能教人馬相超潔鸞溪一幅研光寒少陵詩境
森如揭半生我亦頓風塵何日濯纓秋水濱但得清泉
一噴沫不須釘藻纏其身

江鶴亭以吳魯齋所贈竹籤韻筒集同人各賦一
詩分得潛韻

客從吳門來持贈有吳產片竹以爲籤小筒以爲握淇
斐想依依湘淚餘潛潛良工巧琢磨意匠發華琬小楷

刻數字部分森燭闐差次一百七一一爽且陳燈前試
把玩昏眇擗老眼如探懷裡策似執手中板無勞分虎
符大可配龍璚主人雅好客高情盡雲棧秋堂開紗幮
晚食羅珍饌勝引旣廣招鄙人亦獲羣分曹戒謹吮拈
籌慎規轡憑天授險易任運值繁簡逞豪矜屢盈防黠
杜私揀競病不敢辭尖鹽聽所限或怨金披沙或快肉
貫弗互換在所禁迴易亦自赧未安雙目蒿旣穩一笑
莞半日纏苦吟霎時成巨撰矢箠請各歸著囊俟再捍

倘同海屋添爲君算醴醖

時近主人壽日

題歐陽文達堪輿理數畧後

洪荒之人無封樹斷竹續竹聲何哀聖人爲民葆至性
厚送化者歸泉臺司馬石槨誠太過王孫裸葬何其乖
陰陽水土但相協綿綿生氣應復來我本一世忼懽士
劉伶有鋪斯堪埋牛眠鹿卧伊自適泉下之人何有哉
但令先靈安窀穸無使螻蟻侵肌骸他日葛藟我亦足
何須更卜小眠齋先生學邃衆理賅跣足踏遍雲山隈
著書一洗俗學陋頓令大地精神開遊子三年滯霸宦
松楸壟墓生浮埃瀧岡欲表待何日隣人空守榛關根
逝將請急歸上塚一負春楸親培栽升墟陟岡如肯偕
爲君先買遊山鞍

吳魯齋將歸吳門聞程東冶秋賦獲解喜而有作
囑余繼組卽步原韻倩寄東冶兼送魯齋四首
每聽當筵說項斯便教紅豆惹相思卽今千佛名經上
何異春風識面時

鳳策聯華海內傳生天成佛總居前可知飲罷流霞客
猶向河東號斥仙

玉簫聲裡月明時好迓風流杜牧之人影衣香猶未散
春城不遣閉嚴粧

瀕行好取貢冠彈又見終軍早入關他日嚶鳴相和處
應憐黃綺老商顏

朱岷源以詩枉寄次韻却呈四首

雲山一揮手別路浩漫漫不覺化離久其如會合難他鄉人漸老故里月應寒何日同樽酒重爲三徑歡

化羊仍畏唾作虎詎成斑桑下且三宿爐中難九還瓦鎗甘折脚塵恰任無顏忽覺開雙眼一痕江上山

故人有令子早歲已名流

詞葛楚溪

般爾曾斤斧璠璣自琢

鏤能詩劉夜坐問事賈長頭惻愴懷疇昔頻添葛帔愁永日當槐夏清風愛竹秋敢言慕張邴幸未識孫劉白厭道旁豕青瞻關外牛蒹葭天水濶何處郭翻舟

題鮑根堂水木清華圖

我生愛岑寂每與靜者便但遇清流必小憩時依濃樾
惟高眠搖艇入新安憶昔廿載前天梯長嘯人不識花
瓢竹杖相沿緣潛虬山人鮑薇省結廬巖鎮溪橋邊五
里闌干十寺樹往往同踏秋山烟卽今不到十年久尚
能追數松與泉披圖忽見舊游處林間知是入山路科
頭箕足者誰予放眼高空見情懷漸江水木本清華此
君合置清華署春農舍人今漫郎時時爲我言根堂根
堂本是薇省族况聞朋侶兼班揚我對揚州月君飲京
口酒一江烟樹只由旬不知何日果攜手鷺嶺鰕湖好
結隣羨君坐見萬山春畫師石補圖中伴我亦烟霞隊

裡人

江鶴亭以重陽前一日出密雲關之作寄示步韻

奉懷二首

平沙如芻草如袍老馬枯楊背自搔
霜後天空孤障遠雨餘磧冷斷雲高
雁過古塞聲多怨人出雄關氣倍豪
此夕知君鄉夢裡菊花猶對寶階糕

新聲如聽鬱輪袍底用麻姑癢處搔
片紙書應同望遠一堂人盡却登高
地經戍壘千秋壯天遣詩才十倍豪
秦谷有春回衍律金盤休憶繡餘糕

吳魯齋以詩見懷卽次原韻奉答四首

自送江干挂後帆朝朝石關口中銜殘灰畫盡難開暈
敝簞投來未止鹹入夜衰紅聊復剔經秋病綠忍教甚
耦耕舊約如堪遂雲卧休嫌白苧衫

飲啄生平久信天力耕豈敢冀逢年雞蟲得失原無據
猿鶴交游亦偶然我已三千空世界君應十二悟因緣
隨時會得安心法定有光從頂上圓

小舟兩槳罩新油載酒堪爲汗漫遊但得一邱容睡貉
何須三品更封鷗雨餘斃社珠呈曉霜後風江錦作秋
只有相思多悵望明霞天末未曾收

朋曹短李復迂辛詩酒俄添別緒新本以同心成契合

每緣分手見情親
歸巢倦鳥聊梳翮
縱壑神魚且養鱗
知有漫郎吾谷在
不須三百計禾囷

送吳杉亭入都三首

男兒志四方
半生苦棲屑
萍居非故土
奮袖便訣絕
衝寒且北征
關山正雨雪
牽車挈婦孺
遠道共飢渴
迴風亦孔優
飲冰豈內熱
不敢留君行
忍復與君別

別君在何許
津亭一相送
長年催挂帆
暮角已三弄
仰視蒼冥高
寒雲如覆甕
今日盡我觴
明日入君夢
長安日以近
矯首雙闕鳳

鳳翔千仞高
健翮不可留
安能顧雞鶩
刺促棲窮陬
勞

力事馳驅周道坦且修致身有良策施澤彌遐陬鄙哉
題橋客但爲馴馬謀

送程魚門舍人入都時正爲其子作晬日

舍人初出都兒生始呱呱兒今已晬周尚未歸直廬秋
風吹江干所思鬱以紆故鄉寧不往轉復嗟羈孤中夜
不能寐坐起三嘆吁悵悵緒我懷魏闕兼妻孥遙念丹
鳳城寄我出轂雛玉果與犀錢羅列陳庭隅稚衣翔紫
鳳文褓飛天吳提印復取戈中有彩毫俱鵲噪一何喧
聿至卜征夫逝將速買舟一帆隨風趨急成裘師詩肯
繼紫微壺鄙人前致詞人生若漂梓會際安可期擿埴

且索塗異日功業遂乞身還江湖買山專一壑歸作耦
耕圖紛綸館閣事一一付家駒更向茱萸灣尋秋塞菰
蒲菟裘旣以營逍遙足長娛去去勿復顧懷中待挽鬚
無題和姜靜庵韻七首

鈿車無數競芳遊翠袖娉婷淚未收芳草自甘空谷老
寶丹難向化人求玉樓蝴蝶三更夢金井梧桐一葉秋
城上烏啼天欲曙可憐機杼不曾休

夢中虛幻覺來真暮暮朝朝總愴神幾夜獨歌思婦曲
從今休現美人身零霜墜露知曉媚蝶狂蜂別有春
自是幽閨頻笑嬾莫將梳裹妬時新

香塵十丈路東西枝上流鶯百轉啼暗裡投來應自悔
圖中索取已全迷涼生繡簾瑤箏歇夢斷羅帷寶髻低
前約未諧期後約愁心空逐伺潮雞

金屋無人問獨眠佩殘厭勝藕心錢風前楊柳垂還起
雨後胭脂淡亦鮮永晝簾櫳芳草地相思圖譜研花箋
多情他日逢韓重定化吳宮紫玉烟

茫茫瑤想更瑤思團扇坤靈孰與持對酒花南愁似海
懷人山北淚連絲空教禮佛來求筏莫漫逢仙更賭棋
鎮日粧成問宜稱無情菱鏡也相疑

重重簾幙閉雕櫳曉日驚看一綫紅玉虎華泉聲滴瀝

金猊香霧影朦朧
蛭歌唱斷難終夜
雁字書成不滿空
肯向花前還執手
不辭風露立芳叢

明珠一斛自堪量
宮樣人人學鬧粧
野草枉思牽杜若
逐鳩無分作鴛鴦
九迴結念都成錯
三載思君未易忘
簫局香殘人倦後
空庭明月夜荒荒

上方寺餞漕使魯白墀
侍御卽席用蘇公禪智寺
詩韻

觸邪衣抱牙飲潔
冠棲蟬自昔南牀入
勁氣陵虹烟我
公持玉節宣仁蜀
岡顛春風入漕河
大帆千里懸事竣

歸

中朝行路望若仙，入告陳嘉謨探風，賴大賢送行無長物。但酌山中泉，歌驪奏新詩。一一呈麗娟，冷官亦何爲相於共翩翩。願爲高檣燈耿耿，隨君然。

許月溪與臺駿旗亭話舊有作寄示率賦奉酬

憶昔軒窗對碧波，長堤楊柳晚風和。高城月影杯中見，隣寺鐘聲檻外過。漫道紀羣交契密，可知張范別愁多。桃花潭上春如錦，何日相逢更踏歌。

唐漢芝自都門紆權過訪感舊述懷兼送歸里四

首

二十餘年夢裡身，新安江上憶前因。戴彭尚有升堂伴，

林吉誰爲上冢人萬里常悲魚信杳九霄又見鳳毛新
分明膝上王文度破涕相看一攬巾

早歲人觀上國光九衢人羨姓名香屠龍已就三年技
射雉何妨一矢亡旅客還家多歲月儒生報國在文章
故園松菊皆先澤莫逐飛鴻戀稻粱

漸江一水共沿緣子舍恩門地接連白嶽朝烟當戶出
烏聊暝色倚城偏心驚野馬浮埃幻腸斷枯魚露索懸
白髮門生無藉在憑君傳語到霜旂

六月南風五兩輕舵樓吹笛送君行今花昔樹多惆悵
老葉新苗管送迎揚子驛前征客路夜郎關外故人情

二分無賴江邊月好數南天第一程

哭吳荃江先生

昨宵飲盡歡今夜寐無覺吾人方馳箋先生頓脫縛妻
孀紛號咷親串共錯愕屬纊一躬臨沾巾雙淚落新哀
詎無從舊事請舉略嚴君昔交心小子甫總角幼客來
他鄉得朋有共學帽擎黃紙箱衣繫紫荷囊操觚效塗
鴉入敘等寄雀未足偕浴沂聊許儕戲洛每於羣遊燕
慣使侍觴爵聯句慚腹枵登山苦足弱詎意觀瓊璋便
謂真鸞鶯羊欣裙屐書徐陵頂頻摸紙或餉千番玉亦
贈雙珎交遂聯紀羣親若締衛霍以茲四十年不啻再

三約漫遊必因依拙宦亦倚薄
荒來筆茹芹劣可飽藜
藿元禮親楷模伏波羨鬢鏤
詩驚座上成人向甕邊捉
狂吟勅勒歌間以鄱陽謔
問事實不休論文韓最確
鳥欲佩謦芳琴愛彈賀若
心緣老更清情以學彌渾
肯避寒暑侵不厭往來數
三年正相於一夕乃棄却
丹應得大還體故未小惡
蘇耽知復來長吉殆差樂
占鵬驚後先夢鹿感今昨
倚樹空攀號展書枉跪諾
悲我久擁鎌哭君更張幕
塵世眞茫茫冥途何漠漠
舊雨如重尋新詩定繼作
人間事莫論地下書須託

集小玲瓏山館追和馬半查先生韻

昨歲感西河
慰君曾此過
那知移壑遠
但覺賦愁多
池館千秋地
園林一夕歌
山陽又聞笛
把酒意如何

棕亭詩鈔卷十一

全椒 金兆燕 鍾越

題江雲溪小齊雲圖

我昔搖艇新安江手持碧玉穿幽篁
宣平太白不可見雲林烟嶺空蒼蒼
巘峭壁插天起五里闌干護春水
古城關上苔斑斑河西橋下石齒齒
空山伐木疑有人日暮鳴榔者誰子
一峯幽靚倍堪愛往往停橈歎未已
人生踪跡那可定飛蓬幾載感短鬢
鰕湖鷺嶺夢中路杉籬竹鬼猶相認
揚州明月霜風寒獨客悲歌行路難
與君班草乍相識紅燭聽簫秋夜闌
酒酣爲我話鄉里

烟霞洞壑堪僂指何人潑墨寫靈境楞山老人陳玉几
剡藤一幅尺有咫忽移巖岫深堂裡小澗疑浮竹葉舟
虛嵐欲染樺皮履僕也對之神飛越舊境重逢嘆可絕
攬身便欲入圖中尋我松根坐時雪丈夫四海困栖屑
日歸日歸何日決白雲飄忽擲寒猿紅塵偃蹇隨跛鼈
請君收圖爲君說鷦鷯有林蟻有穴莫使家山空卧遊
靈根老盡萬蒲節

哭楊攢典長藝

古人重掾吏致身可通顯蕭曹逮張丙勲業著鼎鉉後
世多浮薄遂不參上選才或有寸長德難紀一善波靡

使之然積習孰可轉求秩傍汴宮愈益不堪褰祿薄奴
怨咨官卑隸偃蹇符帖日放紛簿領多乖舛惟以吏爲
師便謂事足歲而我不謂然綜覈若抽繭惟汝性質直
不肯效錢編中旣含樸誠外亦具精辨遂若指隨臂大
似畝依畝老母年旣衰昕夕營饘膳頗能供旨甘或且
致洗腆展視及枕席經營到茶薺前年母病革倉黃謁
盧扁榻榻與絞衾一一預條件母亡號不絕終日雙淚
泣肘膺如壞牆嘔血似融銑遂以毀致疾雞骨消膜鰓
氣微不得哭拭淚但吁喘匝月亦遂亡不復暫留耶吁
嗟乎斯人此豈可強勉幼未多讀書長寧工數典居然

校言金卷十一
二 照雪齋
爲歿孝身歿名不殄愧我作儒官未能滌洪涇三載空
訓迪素餐實臯琄孰張公門閭孰董生雞犬乃於羣瓦
礫獲此真瑚璉死者寧無知生者殆有覩作此示學校
幽微共顯聞

許月溪以詩付臺駿見寄獎藉所加未免溢美次
韻却呈卽示臺駿使讀俾知長者賞譽未易承
也

驥子喜初回魚書復遠來山中真大隱轅下豈長才老
鬢添霜久雛音出谷纔高軒他日過題鳳定堪猜

題許星士小照三首

文若借君面季珪分汝鬚凌烟高閣上曾有人無

口裏價雖不二杖頭錢已無多道上相逢一笑汝是韓

康伯那

虞翻骨少封侯相管輅生逢月食辰頭角自看星自算
不應曲逆竟長貧

題陳體齋太守蕉桐滌硯圖

綠天陰陰靜無暑五馬門前日卓午訟牒不來老鈴卧
自手一編坐苔礎琉璃匣內藏古雲無數隱體紅絲紋
呼童池上一洗滌墨香暈起波沄沄吾聞古人守硯如
守身王家傳婿范傳孫公之此硯足世寶肯使紗帷輕

汚人間塵一日滌一遍滌後真彩見知公百滌百不厭
水花香裡光甸綫半生硯田我欲蕪蕉心不展桐半枯
磨穿片鐵竟何益燈殘雲母空呬唔枝官頑石同濩落
東帶三年傍階鶴破瓦空勞夾袋收凡材猶望汭盤濯
秋月樓頭玉笛橫秋風吹遍綠楊城文章太守揮毫處
可許差肩大武生

題白秋齋遊戎所藏陳榕門相國手札卷軸卽送
秋齋入都

古來良相與良將氣類猶如乳投水不有伯仲伊呂才
焉識絕倫軼羣士秋齋將軍今人雄意氣直貫垂天虹

榕門相國撫吳日愛其勇敢堪元戎手書慰勉叙契濶
絕似聶公與諸葛卽今故紙數行中片語猶教真氣活
去年偵盜徐淮間趼足走徧芒碭山談笑一探囊底智
連數各膽皆摧豚孟冬良月朔風急匹馬朝

天入京邑

天子方思將帥臣將軍正向彤墀立羣帥邊疆多則多
三川壯士尙橫戈請看銅柱標功業至竟終歸馬伏波
題朱立堂琴溪坐釣圖

桃花潭畔我曾經萬笏遙山點點青惆悵踏歌前夢遠
披圖還起羨魚情

幾載勞人共嘯歌，知君猶未辦烟蓑。
我亦投竿慙郢渾，漁兄漁弟笑人多。

葛菱溪赴試金陵倩寄沈岳瞻

秋柳蕭疎白下門，三年離緒各消魂。
故交白首晨星在，昔夢青樽夜雨繁。
剩有江山供嘯傲，聊將書卷付兒孫。
下泉羊左音塵隔，惻愴應同采菽原。

亡友葛繩武之第二女菱溪之女兒

也沈岳瞻以爲已女字周宗之

寄周宗之二首

玉在崑山珠在淵，一時聲價萬人傳。
侍郎家學歸然在，心事擎雲屬少年。

宗之乃樸園先生之裔孫也

前年一棹返君家，邀笛青溪坐日斜。
秋夢時時定相憶，晚荷開遍後湖花。

集同人夜飲三賢祠，醉後乘月泛舟紅橋，聽石莊上人吹簫彩郎度曲。

主人既醉客欲歸，中天寒玉騰清輝。
清輝籠入晚烟重，回首高樓昏似夢。
石莊上人老且顛，簫聲中有文字禪。
惠家彩郎纔總角，歌喉一串珠絡索。
簫鼓綿綿歌聲遲，分寸暗與輕舟移。
箏琶羯鼓盡匿響，但裊一縷空中絲。
泛音遠掠涼波歇，約住輕雲未教滅。
滿船醉客灑然醒，愁聽寒蛩伴幽咽。
秋林庾墓王郎歌千古，傷心喚奈何。

與君且證聲聞果更向空山吹法螺

三 賞祠看桂

名賢祠宇枕芳洲花下尋詩足勝遊
愛客鄭莊頻置驛離家王采且登樓
斜陽影入疎簾晚冷露香屯小院秋
樽酒天涯同一醉不須偃蹇憶山幽

庚寅十月於廣陵學署爲葛菱溪完姻詩以贈之
四首

徐楊二年旅館寒女牀今始見棲鸞堂前列炬看新婦
座上笑冷官共羨好述歌窈窕肯辭來括賦間關
巢居必分鳩鵲都作團圞骨肉看

苜蓿衙 寄一枝何殊逆旅迓星期人言納婦傾筐篚
我只延 藉縞綦椎髻練裳看總好蘆簾紙閣定相宜
襟屏一致宜男祝預卜懷中抱客兒

爲勸當筵合卺杯一尊家釀撥新醅絲毫乍借勻眉潤
繡閣都因寫韻開簾下唱隨高士伴帳中酬答出羣才
詩成扇尋常事义手休嫌夜漏催

狂奴態憶從前贈婦曾經爲彥先羊左交情成噩夢
朱陳媾總奇緣慈親望遠應多感內助同心好象賢
佳婦兒雙美合作書一爲報霜阡

夕題羅兩峯鬼趣圖

羣菱敲斜桃符直神荼鬱壘當門立冷官守歲一事無
獨展此圖三太息我生最愛志睽車路逢不畏羣擲掄
搜神集異徧摺緝乃復見此真董狐人世幽明本不隔
何必燃犀始照得闖殘三萬六千場終歸四萬八千鬲
請看野仲與游光紛紛游戲成雁行芙蓉城主不足貴
骨絕國仇皆可忘屠蘇醉後燈花爆且與君輩同吟嘯
韓愈有文君且行劉龍作事君休笑

喜晤吳二匏卽送之任汀州仍紆棹新安觀省

揚子江邊客棹過八閩來暮定先歌論心似引絲千縷
勸酒還憑玉一渦銅輦定知秋夢遠金船應見夜光多

雲門峯影前遊地羨爾能鳴故里珂

汪丈鈍叟邀同汪晴初明府湖泛卽次晴初韻贈

鈍叟

日晏舟初移岸濶花倍顯茲晨有嘉招尋芳不覺遠名
園傍城闔連延無少斷竹樹旣紛交亭閣亦互繼似製
百家衲如結同功繭沿堤窺其外不知所見淺洞房一
架入宛轉難自遣鬪奢邁愷崇營巧軼寬緩分曹踞遨
牀呼侶招綵伴足使人意消各詫吾見罕何須白石仙
日服青麴散山脚更橫棹拾級踏磴蘚初旭遠者涼微
颺泠然善未暇造初地詩句叩無本似聞錫飛遙深山

策朝蹇但見萬株松蒼鬣蛇復蛇啜茗就濃樾漸暝不
肯轉華奴與媚子並坐情懇欵野店啓符籙小車開繡
幃灼灼緋桃花日炫不可辨老夫慚形穢孽衣如匪澣
獨羨香案吏墨綬暫教綰鳳羽飛百觚牛腰束千卷豈
惟謠頌興寶亦案牘鮮好奇剔層崖尋幽厯嵌窾華每
嫌深雍衣或効偏袒愛我性真率譚語恕任誕有時狂
飲後酣呌抒憤懣有時佳文成細意訂譌舛嗟余液櫛
材臃腫不中選齒如寒林豁髮似秋原焚逝將築休亭
便可老忌阪蘆碕肯諱窮黍谷焉冀暖班草四五人企
跼坐沙堰夕陽欲西下烘霞滿望眼回舟各謀適小揭

一息偃開艸花光入拂席柳絲軟沸響聞泉紳高峯矗
雲棧笙歌更間作大白各引滿曠懷情性洽深交禮數
簡家珍羅百琲國香襲九畹紀羣兼籍咸粹美無所揀
主人我父執於禮先一飯世交古所敦末契何足算憶
昔趨庭日摯愛實共展於今二十年逝水不復返君曰
是不然與子更數典巨舟已移壑殘碑空在峴花開愁
轉多觴至感何限君才足飲又有夢定吞篆便作春夜
遊不辭宵露泣籠燈就花下酡顏一再盥酒兵敢互角
吟髭且共撚縱教賡句多莫惜訂交晚聽鐘漏方長折
卽燭已短醉眼俱模糊歌聲猶婉婉更待四五月朱實

垂纂纂挈榼邀重來堅約慎勿嬾詩成苦惡韻強壓益
自赧有如鄧林杖速棄敢復趕

題伏生授經圖贈汪晴初明府

西京風氣靡且鴻經術吏治相磨礱翁卿少卿名與龔
茂績未著經先通乃知吏治匪緣飾明經致用方有功
伏生儒者居山東遺經在壁道在躬太常遺錯親詣受
傳寫典謨歸禁中勲華祕旨再昭揭晚生贅學開愚蒙
以茲炎漢治獨古中和樂職登郵隆益化許子真畫工
丹青妙手兼浩全持贈斯圖入我室頓使天宇開情容
龐眉老叟身龍鍾鼻涕一尺兩耳聾詰屈句出囁嚅翁

濟南穎川語不同聽者漚耳不敢重有如大木堅難攻
若非女子善傳述兩家驛騎將安從授者傳者受傳者
紙上如有聲在空曠文官署如驚籠屋漏痕滿青泥墉
大似才人嫁所養位置無所憂心忡卓哉明府興化公
經術政事今文翁昔年視草蓬萊宮經神人呼鄭司農
卽今牽絲宰劇邑卽牀不厭堆詩筒況當四十正強仕
大施如見飄雙紅請將此圖懸高龔疎簾清簟光交融
吏民觀之盡激勸經師樸學盈花封他日宦成招喬松
槁項黃馘扶霜筇仍以經訓爲延洪壽身壽世無終窮
重省此圖定一笑但恐文學掌故今難逢

送葛菱溪之邳州

河北春光最不聊，送君飛渡一鞭遙。
雲開芒碭英風在，路入徐邳客意消。
歸夢定隨遊子遠，旅愁還爲老夫撩。
少年酬接須謙慎，千古人傳進履橋。

人日招集諸同人登文昌樓觀雪分韻得好字

雪霽春欲來，官閒貧亦好。
新歲開宿酲，勝引攄清抱。
傑閣臨交衢，觚棱耀晴昊。
連襪陟層顛，放眼睇遙島。
感茲良會難，歲月各衰老。
相期人外游，塵事非所道。

蔣清容初開安定講席庭謁之下蒙以尊集疊用

東坡歧亭韻諸詩見示次韻奉呈

偉哉玉堂仙傾彼金壺汁高原旣建標衆水競趨濕
已越網收弓復楚人得聘幣走使頻經帷請業急君真
管邠龍我慚旻胃鳴有如犧象尊乃用絺綌裁我講
堂開廣楹朝日赤饌促都養供事因小吏白交本忘形
骸禮亦具袍幘敢效衰鳳狂庶免枯魚泣從此浹日聚
風雨不暫缺文旣會生徒詩更圖主客何必羨王筠一
官乃一集

復側疊前韻跋後

覆我掌中杯讀君篋中集卉服慚山民珠綃駭泉客錦
爭蒲桃新劍無黍米缺渾沌鑿盡死真宰訴應泣酣醉

自捺衣高歌復岸幘奇真憎小巫快足浮大白五木難
喝盧一幟敢樹赤對鏡欲効顰憎面先求冪大脯麻姑
麟細刺趙鬼鴨鏗鞳鐘鏞鳴嘈囀箏琶急聲味非人間
君從何處得想其放筆時倒挽銀河濕他人慎勿爲諸
葛已帶汁

三月三日招盧磯漁學士魯白墀侍御袁春圃觀
祭蔣清容編修王夢樓侍讀讌集湖上泛舟至
平山堂夜歸疊前韻

殘梅飄遠馨弱柳毓新汁衝霧出城闌初陽人影濕中
朝冠蓋來外酒瓶囂得山僧接引忙餓隸奔走急吐綬

林中鷄呼名沙上鴨名園竹徑迷曲室花光霽山腰方
陟青日脚已墮赤淡烟疎影中新月一痕白言歸總宜
船各易解散幘妄語助朋歡清歌引潸泣貧家學治具
卽事多所缺明日定傳笑冷官招熱客野遊如勿厭更
與訂後集

蔣清容太史繪黻佩偕老圖題詩幘端贈其內子
張安人並屬兆燕次韻代答

大衍數五十其用四十九陰陽協丁壬乾坤闢子丑大
義遂胖合結襦爲君婦移天占柅牽俟命樂株守結茲
聯盟緣勝彼琴瑟友執笄拜姑嫜澣衣宜父母縫紉惜

短褐掃除珍敝帚豈惟饜糠覈未敢釋戴負襟懷聊可
舒富貴不足取聞雛子其與挽鹿我盍後頭托子羽身
舌在張儀口但覺蘭同心詎畏柳生肘貂蟬淹旣逢心
肝賀猶歐高譽熾而昌遠道阻且右有喜對

龍顏無事似犀首誰爲鸞鳳翔誰作牛馬走誰技嘆五
窮誰才侈八斗滾滾京華中與君闊歷久懼爲喪我吾
且別在斯某處身權木鴈入世語衣狗詠已刪戎濤風
真慕廣受謁來江左地浮家具區藪相攜登禹穴窆石
禁踏蹂講授名生徒標舉誠營苟論文探其真繕性培
厥厚得免堪忘蹄取魚實藉醫來觀紛組紳逃聽遍童

夏詩析齊魯韓禮掇戴翼后誦書懷都俞玩易凜聖啓
詩囿獵王楊文河涉韓柳丹成看飛昇心空脫纏糾堂
前茅容雜室內庾郎韭老姑尙未衰衆雖已離穀昕夕
循蘭陔早夜鳴壘白好風幸與俱松下來亦偶五載山
陰道奇麗靡不有沃洲與天姥膏澤連區畝禊社四五
人耕夫十千偶南北風旦暮東西女美醜斟斟桑麻蠶
粲粲篋纏結瑣事旣足識近俗亦已狃小住良復佳懷
安君曰否扁舟遂北渡江漲夜深黝霧濕估船帆燈明
漁屋筍地已入淮壩夢猶繞越紐栽栽堂復開循循教
善誘頓令奢綺習一朝滌宿垢示彼衣中珠貽以佩上

玳英才皆及門納約先自牖筏渡迷津人杖導索途賸
輟講卽哦詩得朋必呼酒相安貧寡常幸免禍患陡縱
有七不堪已足三不朽日月壺內藏天地橘中剖蟬尚
笑垂綉雞應悔吐綬

鸞誥幸已叨鹿門庶無忤花同賞鼠姑影並倚鴉舅五
噫君休歌兩端我試扣逍遙但惠莊怨怒何季郈且與
昂兒輩精神共抖擻口勿蜚五辛胸須藏二酉晚馨羅
蘭菊夕膳潔桃藕守門效顛當脫尾任蚪蚪請與畫中
人比肩無量壽

題抱孫調膳圖呈清容太史

綠陰深靜晝錦堂杯捲凡案羅芬芳太安人起將出房
安人拱立排羹湯久諳食性必先嘗桃諸梅諸調燮良
童孫懷中初斷乳大抱趁人覓搏黍嬌啼似媚曾祖母
婆餅焦時喫脯脯先生此時方課經童子捧硯滌金星
雜誦未終午炊熟呼兒上食趨中庭鋤童鼃妾百十指
飯盂羹核相填委安人口分平且均斷葱切肉新料理
滌髓養老飴弄孫一一瓶罍高閣度結隣我亦一畝宮
老妻朝幾頭如蓬忍憶扶杖坐堂北但厭索飯啼門東
先生佐餒且行炙此樂三公眞不易門外林宗亦熱客
傳語當關勿遽白

斷箴吟再爲李晴山作

昔遇李侯長安市示我斷箴索我詩詩成嫌我無好句
許君他日更作之此言一食竟十載有如宿債無償期
十載風霜驚夢蝶斷箴皴皴猶在箴李侯得第看花歸
歸捧斷箴淚盈睫男兒青紫芥可拾銜索枯魚難久攝
春波未足潤龍鱗秋草空教埋馬鬣斷箴兮斷箴刺人
兮痛深半世兮手澤千古兮傷心聽君重話斷箴事真
悔輕作斷箴吟

贈魯白堦侍御

魚頭御史邦之光天邊丹鳳鳴朝陽綵筆高挹仙掌露

繡衣獨立烏臺霜
一朝銜

命下南國夾岸江人歌九戩循拊千艘入漕河恩周淮
海深無極冷署朝來倚短墻開門忽見鮑家驄手板倒
持帽刻戴舉帷一笑生春風枝官俊儉誰比數滿逕蓬
蒿日卓午引望聲到餓隸驚飛蓋影留童稚詔小艇城
闌繫綠楊漁樵便訪谷林堂看花處處新詩滿愛客朝
朝宿酒香
亭畔旌竿揭運和船載江心月冷鉏當
胸百丈牽泥沒踝三更發使星明處戴恩多舟子榜
人歡且歌百萬役夫齊挾纊三千驛路總恬波南風欲
送春水宅知公已滿泛舟役老葉新苗古竹西一杯共

贈繞朝策東南民力軫

宸衷入告嘉謨疏幾通知歸華省猶懷鄭莫向長楊更
薦雄

次韻酬丁玉華二首

相逢好盡碧山槎到眼何非稱意花自古文章銜石闕
幾人名字入金華莫言漂梗全無着須信洪波亦有涯
燈火揚州多夜市不辭村酒爲君賒

落拓江湖二十年不曾辜負看花天選聲求友欣多應
作力登山未肯綿殘客久嫌三語掾冗官便儼五通仙
獨慚下榻無閒地累爾猶牽岸上船

寄程東冶

具區萬頃何蒼茫烟波百里圍金閭虎邱劍氣不可遏
化爲才子健筆騰奇光吳門才子號東冶少年意氣如
奔馬但看文字邁羣倫定知性情足風雅元和大令吳
魯齋作人不肯譽凡材酒酣爲我言東冶令我一飲三
百杯前年作詩寄君去今年報我來佳句千里平江一
夕風彼此吟魂不知處憶昔乞食遊吳中臯橋驕旅無
人同山塘七里獨遊遍春波照影如飛蓬此時東冶在
何許使我空向要離塚畔尋梁鴻揚州花月春江夜千
里相思堪命駕何不一來賦蕪城芍藥叢中度初夏

題五烈祠司徒廟十二韻

弱質一堂皆節烈雄風千載尙英靈清標堪結山川秀
俠骨猶傳姓字馨定有香心彌海甸好將毅魄照邗濱
堅貞白著閨中傑忠孝堪爲士類型幡影棲塵幃自掩
松聲帶雨戶常扃芸編宜列先賢傳薛碣爭看幼婦銘
社鼓村巫門暫啓野花寒食路曾經颺颺左右跳虛壁
羊馬歆斜卧古庭血淚慘凝橫澗碧眉峯愁鎖隔江青
仙娥去後應歸月處士亡時定隕星丹粉樓臺終是幻
笙歌醉夢幾時醒冷吟閒眺頽簷暮燈在幽房月在廳
夏日淮安旅舍憶程魚門銓部卽用其都門移家

詩韻寄之四首

傍湖樓閣是君家近郭園林萃物華
高岸壓城朝色迴連檣成市夜聲譁
文章枚叔千秋里風露羅含一徑花
誰信龐眉郎署客年年慣作寄巢鴉

知君心地本離塵索米長安不厭貧
黎炤閣中讎四庫

藤花廳下閣千人

吏部屏廳人多於此聚立投謁

肯將僻澁矜

長吉自以紛綸傲大春我已無心更西笑
漫勞招手向雲頻

乞火壚頭問餅師渡河曾此換征衣
役車久謝岡頭轍
漁屋猶存竹下扉
多病餘年聊作達
近鄉薄宦易言歸

喬松各具參天勢，小草牆陰也自菲。

草茨孤燈破牖虛，幾宵惆悵便回車。魚書屢省新來札，燕壘頻看舊日圖。風物又逢菰黍節，鄉心應憶筍蒲蒹。登壇他日功成後，好理臺前釣者居。

范堤曉行

久作荒村曉起人，翻教逸興入蕭晨。鋪場衰草紅於茜，出水柔蝦白似銀。海上樓臺先見日，霜中樹木早回春。不辭跋涉田間道，冒絮衝寒一水濱。

秋夜

風葉無停響，寒蟲耐苦吟。虛堂千里月，獨客五更心。夢

裏勲名晚愁中歲月深江淮多雁戶側想一沾襟

題夏于門一竿風月圖

我家涂塘水東流屈曲三百里清波環抱棠邑城旁有
龍池深無底我年十三四躍馬經過此便思垂釣傍池
濱直釣潭心金色鯉四十年來奔走忙此願至今未果
償每到池邊不忍去靈巖山色空蒼蒼披徑此圖三大
息烟波萬古無終極定知郢渾乍投時猶戀長竿曄如
拭冷官相對賦閒居何異江干作老漁至竟須尋舊風
月綠蘋紅蓼自相於

晚杭堇浦先生

秋潮八月來錢塘悲風颯颯胥母場羣仙乘雲歸帝鄉
中有詩國杭州杭九原丈人荒塚旁三間老屋傾斜陽
萬卷插架不可將留與蠹魚化脉望白玉樓記紛琳瑯
天上文字價定昂碑錢不勞索者忙先生一笑開勝囊
劉父應不知所藏紂絕帝晨堪頌揚清職更作修文郎
紛紛埜仲兼游光揭來受學師蕭張芻銀紙繪贈滿堂
上階長揖遮須王地獄盡化爲文昌紅塵回首何茫茫
雲飛波逝真無常

蔣清容太史三年前初得長孫曾與長君同用坡
公岐亭韻志喜今其次君又舉一男長君仍用

舊韻爲賀湯餅之日持詩索和依韻奉呈

芝草皆瑞莖醴泉盡仙汁木水有本源原隰分燥濕元
方與季方二難旣相得遂覺脊令原菑育亦互急羨此
聯飛鳳愧彼失羣鴨雙尊排象犧一一啓巾幘年僅差
稚黃地若別紫赤飯纔熟二紅博已賽五白孩提同襁
褓長大共衣幘早傳讓梨風堪嗤煮豆泣祖武競追步
佑啓真無缺老夫類山民心喜見獵客醉歸起妄念遐
思阮遙集

數旬後長君又得一女再用前韻賀之

朱綠皆奇章酸鹹總美汁豈可居高明遂至惡下濕一

索旣成男再索女亦得非若初祝禱弓韉是所急男如
雲中鳬女如沙上鴈體雖異飛沈味同登鼎竊昨聞掌
中珠出水水盡赤三日試讀面花紅兼雪白他年作書
生何必加冠幘預計結褵時未免持踵泣德言與容功
姆教定靡缺乃祖愛賡酬請却門外客從此謝家庭雪
夜有內集

題高東井陳蓉裳聯句圖

車中連璧同嬉遊千古惟有潘夏侯圖中之人毋乃是
結緣翰墨真綢繆一人檢書似冥搜一人泚筆猶回眸
子面吾面未遽似君心我心已兩投二氣自注沆兼溼

雙聲詎別鼻與喉寸管次第捉復搦好句陸續賡還酬
如梭擲機蟻旋磨如肉貫串珠穿毬如枝連理結不解
如繭同功絲互抽潤如琬璧列一珏清如江漢交雙流
迦陵頻伽共命鳥音響豈有凡啁啾當其神采競煥發
簾影欲動花光浮鑿枿彼此竟穩入啁于前後豈非儔
篇成削稿衆瞻舌誰能綴此千金裘兼葭前與玉樹謀
隴廉頗欲儕問姬肯許暫作光威哀

次韻送別吳魯齋六首

魯齋於治術根源在詩書考其理縣譜無非德充符始
興人之爹不求衆口譽居官愛吟詩清水浸芙蕖至今

江都堂明月照階除羊續去已久猶懸梁間魚

貞珉立高碑大主設生位民情大可見此事良不易古
者有循良三異徵協氣千間構廣廈九州製大被不如
百里中黿勉爲仁吏

自我與君交披豁同悲喜壯心每不平哀音多變徵聞
君鼓祥琴嗒然憑素几行將理征裘驅車又北指揚州
亦暫住春風相料理東山寧久淹定爲蒼生起

憶昔新安江與君託知心子舍相往還論文見冲襟枯
魚感銜索轉首難重尋君猶祿逮養我更創痛深四鳥
鳴嶺山安得載好音

蔣公開三

三請蔣至德人所仰作詩持贈君清言見樂

廣漫勞索

吹欲繼錦鋪暫含毫效苦吟斜日照虛幌

憶往多軫

心撫時紛幻想何時遂耦耕共游羲皇上

春風吹綠

楊送君出南郭江舟催曉渡衆星猶作作叢

葦鴈驚喧

平波鳬鷗躍誰知執手人無言懷抱惡知君

浮海志取

材得所託若士與盧敖終竟翔寥廓